

四庫全書

集部

欽定四庫全書

江湖長翁集卷十

宋 陳造 撰

七言古詩

贈王仲和架閣

王招飲小姬十輩執樂甚閑予
以王之才譎能辦又疑其天降

地湧也徐乃知其妹所有
再訪之去已久矣為賦古詩

朱樓窻霏楊柳烟樓中香霧浮龍涎眩旋客眼錦繡筵
鬧花打圍妖且妍小蓓稚萼紅玉鮮酒行急管雜繁絃
羯鼓催開裊風蓮橫笛未放蛟鼉眠老子判醉忘華顛



歸去就枕疑針氈但有夢語追遊仙芳訊忽聽青翼傳
翠鸞彩雲歛漂翩縹緲三十六洞天水佩風裳若箇邊
重來朱樓柳吹綿樓中主人卓詩肩淪處士若安僧禪
兀坐向我俱可憐君才時彥孰後先宦路已著祖生鞭
富貴取攜固有然列屋指見羅嬋娟老子賢否真天淵
蕙蘭香中錦瑟前觴詠或可君周旋

次韻林郎中龔宗簿

散人擁書茅屋底祇合下澤居鄉里浪指青冥期策足

端復滄浪規洗耳林侯坐分韓席半龔侯天才寧習慣
瓢酌天漿泰紫傍峩峩貝闕連蜚觀名位顧肯卑微休
兩傑未易今世求老子志願一邱壑鷦鷯彼此逍遙遊
清篇駢來真好在誰云物理莫兩大捧心血指不得辭
門外長須翹足待

再次韻寄林郎中

林侯理窟元無底如拜宣尼親闕里經筵沈醇文筆古
俯視時流皆口耳我生憂虞占多半鼈跛蠖屈今已慣

林侯尚抗倉庾塵盍胡嘗作不二觀相魯君小公儀休
從政顧自愧由求崧高蒸民有吉甫飄風浪欲歌來游
索米惜不畱行在坐論看君偕五大樵謳或配鼎彝書
衰翁縱衰猶可待

再次韻呈林子長郎中龔養正寺簿

荒學蹄涔易窺底祿遯不應來帝里昧為此役君定笑
當念平生意行耳過耳毀譽紛相半曳裾袖刺何嘗慣
餬口未忘丐斗升投閑正須問祠觀歸雲倦鳥且罷休

鏡中頭顱盍反求小兒能耕婦能餉老子卒歲良優游
石友青雲兩君在肺肝傾倒不自大還家猶可詫里閭
渠儂祇博白眼待

再次韻林郎中

醉鄉陶然真我底落世嘗作魚千里頗思溪風鳴檜枝
一洗半生市聲耳帝城春月雨強半躡屐衝泥今已慣
湖瑩冰奩濤湧山回思向來領竒觀角角倦鵲語未休
晚鳩饒舌如有求明朝定可載酒去攜兒一為湖上游

湖西羣艷雖無在宿雲掃空天宇大蹇吾健倒趁早歸
醉尉未須嗔目待

次兒輩喜雨韻呈太守

老子簞食師顏淵憂世不合居民先今年不雨春破夏
惴惴亦復針氈然嗟嗟五月河無水溫飽之望疑己己
一雨滂浪彌夜旦龍伯至仁端起死國史未用書旱雩
人神幽顯修交孚老子一飽危不給恩私仰戴君大夫
君恩如天不遺物龍伯豈應甘蠆屈使君況是龍之友

偕兒同依趙卿日

再次韻寄楊宰

小家作活魚脫淵凶歎之備渠能先勞勤頗似抱甕叟
安得心數如計然人方渴羗欲沽水龍公睡足那容已
怒捲淮江作飛雨旱魃潛藏蝗蝻死令君丘禱亦魯雩
天心默隨人意孚百里旄倪歌載塗我亦飽飯竟潛夫
今君豈復池中物中年墨綬人稱屈高郎小邑徑刺史
老子賀書當不日

使君有詩復次韻

詩播樂職聞子淵貴耳底用泥古先吾宗使君當世賢
援今輩古敢間然祖武孫謀有源水功名濟美方未已
即今朝野屬望深簡齋仙人真不死詩律欲並元劉驅
郡政坐使豚魚孚編輯妙製紀殊績瘖不措手吾非夫
壯歲毫端有神物才與年衰此心屈伸紙索句頗強顏
漫把清明譽天日

贈臧汝舟次韻

昔人得珠沒濤淵悟後悚惕悔厥先世間萬事無真是
辯口莫究然不然此心疑然古井水與俗方圓寧得已
紋楸亦有進道機介視勝負齊生死臧子多智守已愚
能事不蓋已日乎南風覆舟後詐狙義戰得雋逾老夫
閑中敗意防俗物喜君相過不待屈此樂政令兒輩知
閱日無庸譏愒日

次韻楊宰花石綱遺石

令君藻翰輩古先脫口一可樂石刊盡令珥筆草大冊

底用韻語談槐安一詩為弔湖邊石深感崇寧全盛日
玉燭叶和黃道明天扶休運非人力豐碑端合頌虞周
遠來近悅絕歎愁有君無臣古所恨殲佞嬉笑乘膠舟
鳩心飴口諛聖主漕石移花鬧南土玲瓏蒼石中路棄
不見姦慝歐刀死此心安得此石頑感物抱恨甘終天
平日志願裹馬革杖扶鰥茹吾衰年

再次韻楊宰

君不見奇章平生石解顏有得甲乙勞鐫刊又不見衛

公平泉嚴作戒要與山岳爭完安衽席杯盤易沈溺可
無雅好嬉過日生須玩物不流物負山暇問誰有力此
石擯棄歲幾周幾人摩抄動詩愁不妨野鳥印爪跡曾
是畫鷁明方舟奇嗜豈必真無取尤物未可輕糞土二
公真情不激詭靜對孱顏堪樂死揆予骭髀如石頑一
跌叵復能朝天石默不言詩為宣正用吟玩忘吾年

次韻解禹玉

解作詩亦工於畫詩則饜觀矣諸公多得其畫予獨不見與故詩中

及之

夫君官職雖西班夫君不獨師孔顏畫手人言逼曹霸
詩力自詭追子山對客每遊庖丁刃得興笑解齊女環
槃礴羸前筆未落競病韻險思不慳掀髯掃出山河影
就醉或放風月閑我亦平生弄翰墨諸公頗置齒頰間
側身南望常仰高肯交下風俄二毛京口市樓聽度曲
廣陵帥席陪揮毫悲吟自作夜蟲響絕唱傍羨秋鷹豪
虛孰高名擅顧陸僅識妙思陵莊騷金阜老仙憲文武
醴筵繼日喚我曹銀臺吐餞眩金翠繡帷護煖聞蘭膏

挈挈去尋樵牧盟貸我抗俗慙山靈風流雲散有悲惜
目前赤脚仍樵青府公忽駕西蜚鵲言訪劔閣摹舊銘
女媧青泥萬山外爭窺雲日寒崢嶸前懽弦斷更容續
一紙寄意良未能向者望望君不來談舌攢棘胸填埃
叩門剥啄粲一笑灑然一洗衰病懷新詩絕妙不我靳
笑口忽復緣君開驥足爭先真老矣屠門大嚼亦快哉
但令石交不遐棄此外擾擾付一咍幾時攜將好東絹
倩卷吳中山水回

贈解禹王

解將家子以文字取世知予望之以致遠而老夫書癡為可戒故復取前

韻作詩進之

讀書祇博雙鬢斑詩好豈解留朱顏平時無客憐輟鮒
觸處有人嘲飯山相府略嘗喚宜祿木門不夢窺銅環
多病但結藥裹伴得酒間發詩囊慳頻頻終慙鷄斯飽
浩蕩擬逐江鷗閑未死更費屐幾兩此生祇欠茅三間
方營巢未竟 丁年悔不全吾高正坐枵腹守不毛卑官餬口
竟何補捐棄什百收一毫執版仰看上官面可復直氣

陵羣豪夜別殘燈賦招隱愁追交情廣楚騷豐約僅足
優龍具汙隆真可付馬曹共嗟孔奮不自澤政復所至
無脂膏向來枯策苦傷生塗窮却用陶性靈故人肯來
問牢落河畔罷吟草青青夫誰急草脩期檄夫誰大刻
班超銘孽虜遊魂須晷刻燕然蒼石高崢嶸橫槊千篇
月三捷是責捨子誰當能可遽學我賦歸來臨流欲濯
襟袂埃老子期君舊不淺看上要津舒壯懷烏驚兔急
易寒暑堯堯不辦供合開文字玩世請少息盛時難得

君念哉昔人聽謀取一得勿以老耄資笑咍君不見壯
歲一跌子陳子江湖畢世甘低回

次韻楊宰食蠨

長翁服食僧樣清灌園得閑收落英壯歲頗營口腹事
岡有置罟梁有罾大哉每快屠門爵美酒慣陪豪士傾
酒邊最愛無長叟坐隅未揖先風生揮斥肴品進此叟
似去傖荒遊上京王謝家兒負販子氣味不待口舌爭
年年屬饜不汝厭勇向上黨人夸矜一從多病戒竒嗜

屏絕鱗介疎薑棖水中之怒寧阿系丈室高卧幾淨名
二年閑殺把螯手久要藥裹熏爐并旱後籃筐薦蜩越
君乃下筇收所憎銘盤久斷舊嗜好垂涎忽誦新歌行
射陽浦口霜耿耿繁梁埭頭霧冥冥及今尖團日供百
莫孤君家竹葉清

射陽最出蟹自繁梁入城故云予嘗
傳無長叟無長無物也今秋此物艱

得而
小

送羊侯因簡崔帥

殿廬護嚴外蕃宣崔侯文武能兼金石城之政列城先

迄今遺愛春與妍爾來淮上提帥權淮民歌舞且晏眠
術業可但朝路傳異域南首爭駢肩舊故顧念無愚賢
如我衰病霜滿顛眷眷未肯即棄捐一紙緘春飛墮前
嬾拙雙足如繞纏欲往謝之尋回船每獨念之幾針氈
叔子北歸氣翩翩棋酒辦與君周旋未醉定復譚臙仙
知我抱犢方中田黃堂名酒壓香泉香泉高郵
佳酒名淮白不
下槎頭鱖叔子小駐當還轅有人北望心拳拳無使渴
德垂饒涎

次韻張守垂虹小駐

聞道垂虹舒遠目江波浩蕩江天晴江城竹馬待已久
未妨小寒鷗鷺盟郡民惟嗟歲下熟丈夫慨慷志在行
盛時陳力要接浙遮莫常譚嗤老生

再分韻得花字

春工幾時來天涯人間指顧成豪華未歎丹杏無餘葩
能事已到桃李花東園地勝賓盡嘉塵邊霏屑杯中霞
將壇令下手一義陣勢歛變常山蛇眉顰肩聳靜不譁

詩成笑語還紛拏吾儕此樂世莫加聚蚊金谷何足夸
但恐兒輩搖齒牙法士亦復工疵瑕君且休矣吾還家
況復高柳翻倦鴉徑催紫衣巾小車我亦款段隨揮撾

贈趙子野

子野分韻得
日字借其韻

長翁飲德腹為實趙侯論交膠在漆官曹未肯孤吟賞
車載鴟夷挽衰疾樓前紅樹媚晴霽樓間清風細披拂
崢嶸帝皞專花事彷彿江妃奏瑤瑟巾歌幘墮人傲兀
堂堂飲興方未畢眼看韶華吾嚼嚙氣摩蒼昊君豪逸

人間樂事易陳迹便恐清歡轉頭失孰知椽筆今詩史
煩君揮毫記今日

贈劉行甫

分韻得耳字

劉郎雍容古君子平時人指原夫耳忽然闖我風雅壇
疾雷破柱蛟龍起豫章可棟今七年魏舒驚人纔一矢
後來獨步君仲宣撫斲輪具吾衰矣

次韻趙子野贈別

白地倒海翻重湖趙侯塗改插架書石麟角犀清而腴

了知不是山澤臞舌官齒商鳳將雛一笑著我東郭筭
曹後鮑前君指呼郊寒島瘦君童奴翠鳳未啗口不餬
吮漱沆瀣騎兔烏擘水挹取驪頷珠掛作白月照海隅
丹山阿閣久榛蕪跳梁餓鴟啼鵲鳩兩鳥囚作轅下駒
巨靈蹶起張怒鬚一鳥伸喙羣翼趨向來偃仆須君扶
大篇落手吾戒塗春風得意掄翠裾東西州爾非秦吳
猶金玉音寧所圖

送曹器遠從使虜

暑風熅面黃塵底曹侯據鞍輕萬里曉趁官程夜未休
不為功名為知己男兒生有四方志誰能俛眉婦車裏
周原咨度使塵飛漢官威儀渠顙泚異時橫草恐不免
此去濯衣聊復爾赤縣神州吾舊物文謨武略君奇士
列聖恩波迄未涯百年胡運今如此山川險隘須默究
他日上前煩聚米殺胡之林定何許持酒遐望一啓齒
歸來有句敵車攻老子滯蕙資一洗

送二趙金陵秋闈之行

君家種德麻韋似兩郎今日東南美石麟角犀互輝映
挂腹撐腸皆錦綺賢書聯翩取如掇文字欲貴江淮紙
步光久匣自光芒僕姑所指當披靡去去秋風鼓鵬翼
翱翔烟霄此其始建鄴山川古雄麗平分勝槩供筆底
氣陵鍾阜峰頭雲辭傾白鷺洲前水聯璧不難先衆俊
歷塊仍能輕萬里平日雙眼不屢青奇窮一生端坐此
即今意氣為君傾老子閱人蓋多矣

送劉常父秋試兼簡行父

良樂佇目思驥子工師擇材須杞梓劉家昆季寧近用
直幹百圍日千里戲綵之暇同鷄窻平挹千古如探囊
尺筭政自無堅彊况腰烏號手魚腸鄉邦驚歎有此客
一筆與翁箭鋒直秋賦春闈涵子爾老子賀書已濡筆
香名聯翮傳里閭珠宮貝闕方權輿他年日奉平反笑
更勝而今讀賀書

題六么後

愛愛少日淫奔女愛愛死作貞烈婦東隅一跌收桑榆

竟得佳名傳樂府
男子處死正自難
此女勵志雪柏寒
至今挺挺在人目
詩翁作詩垂不刊
誰翻此詩入宮羽
檀唇緩歌細腰舞
直掩霓裳羽衣曲
更問離魂饋漿女
且玩此舞空金卮
莫奏此曲增悲悽
蘭摧蕙枯崑玉碎
不如人家嫁狗隨
狗雞隨雞百年佳
麗終枯飮汝名芬
芳無已時捨生狗
義渠安之而我更
用興悲為我悲所
悲人不識撫事懷
人悼今昔翻雲覆
雨行路難君不見
買臣之妻彥升客

陳伯固使君禱雨得雪為作

妖魅肆虐挺餘災麥田未麥空黃埃饑民忍饑守鄉土
倚公力挽和氣回梵筵告旱初拜手補陀仙人已回首
楊枝一麾神受職雪龍占先效奔走飛翔作意擅曉昏
膏潤趁時救枯朽人名此雪宗丞雪祈禳取攜屈伸肘
德政可但人間最大士與徒龍與友閔雨競喜雪應祈
今段尤拜天賜厚歸前帝席指日冀更遣奇祥福諸後
太歲在戌如在酉看取乞漿還得酒

次韻楊宰

頭顱敢意封戶牖飲處徃徃推祭酒宜人珍果亦鼎來
把杯未省嗟不偶拳栗御棗玉山奇南北氣殊仍地醜
少日詩人鱸鯨興莫年醉客持螯手令君未負將軍腹
襍積琅玕向誰剖三珍薦樂侑從事脩然徑訪無何有
詩來可但落饒涎萬卷更慙王季友

送赴省七子

憶昔塗抹鬢未秋著書初不緣窮愁交契徃徃第一流

愛且助之恩意周翳桑槃飯驚浪舟如輶轉轂需膏油
疾需妙劑寒需裘李郝硯席初綢繆陳趙進脩警墮偷
出語鑿鑿珊瑚鉤三臧筆底風雨道丁年出我便一頭
儒林丈人拔其尤賢書政用譚笑收七子寂寂從我遊
窮人累人君信不迄今里閭聞沈浮玉音下天正旁搜
南宮之行勿夷猶巨魚縱壑鷹辭韝鴈塔岐路隣崑邱
捷音聯翩走吾州壯志此去不啻酬士抱輿學追前修
噤不施世吾儕羞肯臥少室甘沈幽肯闖侯門提荆綬

賢科夷塗古共由論才君等誰與儔可學老子拙自謀
所向數竒老不侯一樽上盡猶未休索句輒輒蠶緒抽
不作兒女聲悲啾倚須接武拱帝旒付我一竿釣滄洲

石湖兩帖還李推官

石湖老子家蓬邱一笑俯作人間遊風度人品第一流
結字亦復無朋儔還軫蓬邱俄十秋恍開此帖指病眸
便若執鞭侍瓊舟狂奔渴驥騰驚虬斷圭折劍紛然投
蜚虹曳霞爛相繆人間至寶人貪求無間珣琪雍琳璆

彼此輕重寧其侔借我肯作一月留我癡不減顧虎頭
還君孰視仍牢收愛護幸免惡客偷亦幸不污寒具油

陳學正惠詩酬以長句

寒風折人粟生膚局坐掩戶孰與娛吾宗高義駕為迂
新詩爛粲慰槁枯一百十二驪龍珠春意誰遣生座隅
吾宗學力源委俱決為巨川瀦陂湖粉袍未脫口未餬
氣凌雲霄色敷腴肝肺向我每傾輸我老舊學慙榛蕪
妙語正賴君起予不辦仄李酬瑤琚病鶴曳翮寒松臞

可復飛動索故吾

陳學正孫學錄有詩復次韻

俗子敗興蚊咂膚獨賴勝士相嬉娛彼異趣者嗤我迂
豈知木茂水不枯緊山韞玉淵懷珠二子豪爽仍廉隅
才名角立風義俱詩筆為我翻重湖雨膏霧沐春模糊
佳節尚忍孤雲腴古來左角計羸輸但有邱隴埋煙蕪
願言公等常娛予不辱裋褐榮瓊琚山雌卑飛未妨臞
更用烏烏歌吾吾

戲作

飲食小過不佳趙帥招
飲淡食止酒因成古詩

書生稟賦紙樣薄平日扶衰惟粥藥一日飲濕小嚙肥
河魚數日煩醫治佳辰府公約把酒嚴斥厨丁預節口
借問主賓釀酢餘還許公榮袖手無厚味腊毒古不予
如作病何仍古語生世例非金石堅支離如我更可憐
饒嚏動使諸病入冷坐亦復百憂集彭殤瘠肥本自齊
此理祇許蒙莊知筋下萬錢無足取厨薦三韭徒自苦
法士語飲應且憎何如臥客懷中醉不應婪酣任人嗤

穀伯何如辟穀高人師黃石陳遵張竦杓鑿夫何為彼
此未可相是非七十老翁誰能促戚縛此戒醉死病殂
吾命在

次陳倅同年瓊露酒詩韻

君家家釀人家無市酤漓真剥膚朝來洗盞酌先酒
凝去聲若金莖秋露珠色香第一味稱此輿臺桑落卿玉

腴客間公榮不共飲主人恩意無乃孤歡伯三益能娛
予愁城九守付摧枯淮鄉香泉豈其徒覓夢枉用馳粉

榆君家家釀人家無渴羗惱君君恕乎為君劇飲首就
濡可待謀樂間憂虞

題高夢錫指牛圖

將軍向來馬量谷封君劣比羊千足浮雲富貴漫夸毗
不博范叟回青目此叟落魄水墨仙松煤染指皆其天
奏刀浪詫牛無全寢訛降飲二百角身不服箱鼻不穿
轂鯁肯受衆目憐高郎畫徧米家船此軸寶重一當千
老子老欲耕淮壩資菜蔬滿高下田政用百尾收烏犍

刀劒縱售能幾錢展掩此畫空惘然平日幽趣終拳拳
此叟儻可作九原畫我草履麻為鞭經挂牛角羣牛前
次朱必先與師是唱酬韻

朱郎滿腹抱賢業壯歲彈鋏仍哀歌飛將未侯方朔餓
天無老眼如子何紛紛過眼日百十超拔如君信難及
平陵筆陣吾敢支穩掇世科人所必小兒鹿鹿空肩隨
血指汗顏驚崛竒於菟一嘯百獸懾誰顧露草寒蛩悲
詩書鼓吹且強飯舜咨臯謨適華旦功名迫逐可得辭

等閑莫詠南山粲

再次韻

男子負抱成蹉跎
唾壺自擊商聲歌
此聲此意誰解領
政用折東招羊何人言
百里半九十
它日聰明嗟不及
雲衢掎袂夢空勞
神武挂冠吾已必
久要但有窮鬼隨
此鬼亦使文怪奇
推敲慣嘗京尹怒
登臨肯與賦客悲
蠶蟻可浴牛可飯
農家星候知昏旦
不妨婢子辦黃紬
更貸鄰僧供白粲

客以詩為東園飲不果次其韻二首

東園千樹籜白紅
攜壺滿意一醉同
向來可是君宿諾
政復急雨斜驚風
縣知此興未渠盡
暖日晴雲豈終吝
叩門日聽長須來
老夫於子驂之靳

春池照影紅錦衣
鴛鴦與鴨同低摧
金籠鸚鵡頗諳語
解道春色今寒灰
客來命笑還錯莫
此情不似君情薄

會須把酒杏花前
祇喚茶甌充罰爵

主人怒諸妓故及之

雨未止再次前韻二首

蒼顏無酒不能紅坐窻袖手禪衲同幾時義馭肯憐客
滿意花卉搖光風樽酒向君懷抱盡賡歌劇譚忘悔吝
更看珠玉聯翩來孰云猛乞猶小靳

樽前罷唱金縷衣花為薦萎玉為摧欠伸舊識名駒子

后山語

蘭艾一燎同飛灰匆遽不及呼莫莫春愁禁人酒

力薄擬令大白徑浮君畢獻繼今仍此爵

次韻魏知元

詩人索詩無乃俗我乎索之更虛辱從來東郭濫吹竽

繆使尾續陽春曲此腹洵矣勞誅求我老知耻吾罷休

使君拂雲敞新樓且可一醉同樓頭

是日真州拂雲樓買酒

再用韻

青樓琴客信超俗外客子幸臨辱定知略眼歲寒枝
肯負平生白頭曲雌凰雄鳳副所求和鳴之樂方未休
暗香疎影春借力更看青子駢枝頭

次高賓王餞徐南卿韻

徐郎坐窮無幾請千里過我身將影未辨還轅梅雪漂

頗憶離家鴈天冷高郎表表今子雲等閑落筆詩中君
學力不為救飢分歸從夫子收奇勲

贈畫士龔子

古人論畫索畫外世俗區區較形似眼明亦有可人者
龔子畫形兼畫意穠蘭春蕙相與芳梅花照影生暗香
倚煙映霧各夸嫵併作短軸供寶藏斬新雪色三丈壁
勝日煩渠揮淡墨楂牙老樹對醜石龍騰獸伏起恍惚
松底跳波隱隱轟千聲石間橫斜風竹相因依長翁雅


趣在水竹新開湖南規辦五畝綠此松此石偕四友身
未出門先在目暮年供給良易足龔子惠我真絕俗萬
錢酬贈不顧願新詩渠能飽君腹平生好事吾屢空龔
子好事未後翁藏詩寶畫從人笑與子把玩無終窮

呈趙帥

訪帥困於腰鋪次
日帥聞到招飲

雨行本自貪風便四十里程真劈箭長年攤錢夸半仙
一炊黍頃風頭轉生世快意多所辱葉舟瓠壺浪如屋
暗樁觸船船版折船丁籲天船媪哭塗窮儻有哀王孫

腰鋪人家緊閉門，丁翁祿邀捕魚者。向我顧肯顏色溫，
茅屋新成容寄宿。麻茶初熟仍見分解衣，滅燭睡欲死。
鄉夢醒時鷄喚晨，平時晨鋪下南浦。定向揚州聽更鼓，
飛廉生憂吾敢怨。薄命若為防市弩，今朝河面吹細痕。
竹樹不聲人駿奔，掣鈴一笑話疇昔。便有樂事酬佳辰，
鎮淮主人開淶樽。蕙蘭香前簫鼓喧，一盃為我安驚覓。
勝談亹亹清耳根，向來憂虞無足言。



江湖長翁集卷十

欽定四庫全書

集部

江湖長翁集卷十一

詳校官庶吉士臣吳烜

主事臣呂雲棟覆勘

覆校官博士臣劉光第

校對官典簿臣劉景岳

謄錄監生臣林大本

欽定四庫全書

江湖長翁集卷十一

宋陳造撰

五言律詩

山居十首

山間有好事時肯問何如東送筋頭薤鮮分匙面魚披
襟偕我飽攬髮為君梳一笑塵勞外都無病可祛
咀毒橫戈地財堪博一羞時流正攘臂老子解抽頭秦
楚蝸兩角跼夷貉一邱向來回晚照了不見金牛

忽作斷過訪經旬閑瘦筇慵添和詩債病減灌園功石
鼎裊輕碧庭柯零碎紅竹君如見慰竟日嘯窻風

居深自少客兒輩省簷門日課午鐘飯生涯三畝園嗜
魚親蠶戶輟果及王孫不惜苔錢破橫縱步屨痕
鳥息我亦倦行行取徑微石稜妨錯足藤蔓每鉤衣森
木各天籟連山同夕暉推門吟袖冷滿帶野風歸

涉世慣多還還欣愜此心鷄孫當歲稔竹母值秋陰言
配香秔軟行須綠影深繼今摩腹去風日更蕭森

萍梗纔纔餬口爬沙亦畏淦悠然三徑地有此百金軀乘
興聊吟筆無絃且槁梧幽居喜客醉未遣秫田蕪

蕉鹿謝依乘孤高廼得朋閑談每褐父清晤或鄰僧止
酒元真子居家杜伯升此心安隱處蜩鷲傲鷗鵬

一室市聲外生經良不孤園花非獨笑風竹巧相娛為
客求鵝母供家課橘奴殘年溫飽爾外此亦何須

丁年陪友舊塵霧去駸駸不賴學問力終孤雲水心無
波真古井躍冶豈祥金撫已知今是扁舟釣碧潯

元夜病起二首

霽色莫澄鮮和聲入管絃
人家無事日時節放燈天
璧月紅塵外東風綠酒前
強陪兒女笑病骨得輕便
節物撩佳興浮生盍自寬
山城如許樂燈市不多寒
微步漂香細行歌惜夜闌
何人歌醉帽朱袖簇歸鞍

香雲寺

山月明空隙庭柯下槁乾
沈沈僧夜靜漠漠鴈天寒
夢境愁偏隔詩情老易闌
未容辭水厄聊復踞蒲團

丁簿到蕪湖書不至

幾日到于湖交情未合疎相望百里地不寄一行書待
此寬相憶何人念索居朔風吹鴈斷徙倚正愁予

圩上

小村山影裏山脚水明沙春事初移柳人家未摘茶生
兒了門戶饌客有魚鰕笑我塵埃者奔馳鬢易華

丁酉道中暮春

去家如昨日節物轉頭非風處綠自舞雨餘紅頓稀野

橋平水過村路躡花歸趁得酴醾在箏琶拂舊衣

秋日

夢蟻浪多憂隙駒如許道淒涼一霜早黃落萬山秋得
失古青簡漂零予白頭不因多病過始覺此生浮

仁于庵

穉穉圍僧屋檀欒隔槿籬月池聊濯足雪壁賸畱詩里
社皆困廩鐘魚亦歲時平生松隱賦回首十年遲

次韻瞿元卿

君是儒冠秀源流況父兄文堪一戰霸氣欲五郎卿與
世甘多選謀生迄未成其誰為推挽小試合承明
我困枵投鑿君才飭建高要之同臭味政以借熏陶觴
詠聊真樂媼妍付爾曹能來緩詩頗芋火薦松醪

得姪消息二首

甚喜年穀熟仍聞佳食眠郡人新過此鄉信得真傳社
酒浮蛆淥湖魚割玉鮮平時計安穩莫靳里胥錢

二頃居耕穫為謀未覺非輸租能早計坐社莫相違念

我官將滿連宵夢只歸團欒老邱壑肯作食言肥

感興

如鏡江流去奔馳合自羞病容霜後葉歸興浪前漚岐
路三生債風埃一飽謀山田饒芋栗珍重故園秋

送人赴試

之子是荆璞溫純仍琢磨諸公推大手壯歲合賢科豹
霧三年隱龍門一躍過得詩應自慰老子閱人多

金地寺

側徑崎嶇去飛蘿次第捫山橫欲無地路轉却逢村竹
栢圍荒寺莓苔上繚垣殘僧不知客芋火老雲根

畱行都

久飫南來飯長維北去船薰衣子笑韻入筋望潮鮮意
適忘漂泛吾生計食眠歸期何用數寬待藕花天

調官歸

穰穰衣冠地耽耽公輔居雲霄有捷徑塵土且長裾老
去懷歸切生知與世疎解衰漫刺在况說子公書

陪盱眙王使君東游四首

錦席浮波影牙檣轉霧霏飛花窺碧酒舞蝶傍紅衣
野日歌前淡雲峯望處微游魚應與樂啼鳥莫催歸

纜解鷗飛處船移柳影中林廬桃李月浦淑蕙蘭風
酒淺能無醉歌長惜有終賦詩聊泚筆寓意未須工

紅旗圍皂蓋離邇碧山隅水色涵雲樹賓筵著畫圖
香溫金鑿落花亞錦屠蘇醉裏銀絲餚漁舟不待呼

風林山闕處茅舍兩三家小駐回鶻隊重尋粟玉花疎

煙橫暖靄碧溜漱晴沙野興未渠盡數峯明晚霞

都梁八首

淮汴朝宗地孤埤只眼前譙樓西日淡戍鼓北風傳
破竹非無計澆瓜亦自賢客愁渾幾許撫劒倚吳天

天外纖雲盡山巔望眼遙平淮剪綠野白塔界晴霄
客裏風光異吟邊物象驕功名它日事回首興蕭條

新居得翠微景趣自幽奇白石羣羊臥脩篁翠葆欹
山光銜睥睨雲影傍藩籬席戶無車馬禽猿不更疑

關塞淒涼處青徐指顧邊如何漢正朔不盡禹山川將
畧輕三捷天威重萬全諸公不愒日老子判留年

路惡惟沙磧山回忽市鄆樓臺明晚照花竹暝寒煙生
事知無警懼聲驗有年猶嫌武陵遇不載割淮鮮

犬吠蔥青裏人家竹徑深短籬循石磴老屋枕煙岑牛
瘠知春事鳩啼認晏陰豐年易為客盃酒慰幽尋

向來經世蘊每作負山馳鬢髮不留黑京塵慙舊緇生
涯黃卷在心事白鷗知回首林泉癖窮吾不為詩

年年漢臣節春鴈與同歸
番俗尊華服皇家後武威
市中斜髡賤水外拂廬稀
南北皆生息和親果是非

寄姪

擁衾聽良夜風葉不餘飛
天地清霜冷江湖旅鴈歸
幽人惜短夢遊子念征衣
窮老人間世愁城屢合圍

雨後病起二首

旱歲仍無麥淮民食正艱
幾時占雨信今日破天慳
盡息田家歎聊開病客顏
何由長歲稔金火莫循環

小臥竹間齋幽懷得好開病從涼後減雨及望時來兩
屨山千疊諸雛飯一杯吾生計此耳無夢到燕臺

歸自湖西

晨具湖西飯還家腹果然怒風長擘席急浪不鳴船身
覺青冥上情留白鳥邊衰年端一快整帽向雲天

客中

多夜淮瀕夢言歸未有期愁禁客舍雨寒過杏花時酒
廢無何飲春如不自持若為丹九轉能黑鏡中絲

次韻朱萬卿五首

陳雷好賓主，疊疊各風流。末座仍枚叟，捐金得莫愁。
濃歡兼卜夜，暇日賴銷憂。近按梁州譜，何妨一再謳。

風義陶朱裔，斗南無此流。懸知禁厨嚮，不賦畔牢愁。
筆落無千載，談間散百憂。盡抄新樂府，惜欠雪兒謳。

彼姝綠窻子，歐靚亦其流。裊裊何因瘦，眉梢不貯愁。
唾花新得意，庭草共忘憂。雌鳳求凰曲，人前莫誤謳。

一雨動三日，溝塍皆怒流。風涼欺酒力，喜色寄詩愁。
不

待桑林禱俄寬杞國憂豐登知有象滿聽載淦謳
平時歌酒伴雲散與風流白髮潘懷縣青衫許散愁生
憐自謀拙人謂不堪憂只擬江湖去狂吟和棹謳

寄興化徐尉二首

敬問昭陽尉飡錢得飽無時方依絳帳課謝剪萑符賓
俎仍黃雉書憲了白駒低回自愛惜才業正時須
自折河橋柳何人慰寂寥一書寧用靳兩舍未為還爪
戍裝應趣荆扉興自饒回頭五雲處猶肯訪漁樵

次韻彭景貺

鳩杖隨身去鄉園得自娛
紅鮮終日有俗物向來無
酒所揮椽筆風前據槁梧
逢人休舉似兒輩笑吾徒

贈課會諸公

書社他年事尋盟未厭煩
須吾執牛耳助子躍龍門
凌厲先諸彥從容即萬言
雋功科舉外暇日要溪論

次瓜州

雲曠平山塔煙明老淠城
客行判費日舟泊細論程
聞

水清兼濁潮天雨復晴未須歸有夢午枕愜涼生

贈高黃二子

平昔金蘭契過逢意自饒乘閑無窘步命笑有嘉招翠
飲歌眉黛紅生醉頰潮歸驂從惜夜小待玉笙調

贈趙秀才

衮衮紅塵去扁舟得挽回半生障日手一笑沃愁杯應
俗吾衰矣論文子壯哉明年日邊信滿冀好懷開

約二趙棋集雨不果來

客子離羣意蕭齋只睡宜得無新雨歎漫有故人期日
力須碁局風涼入酒卮轉頭車婦去相憶各兒癡

次韻高縉之二首

能事餘千牘幽期自一邱向來書襍積不療客漂流小
挹蘇耽鶴同歌甯戚牛幾時詩酒社相屬話天遊

奚囊走湖海襟度極風流學力隱一敵才華追二劉與
時君有用漫仕我非優它日霄霏上詩成復寄不

次韻石湖居士瓶中早梅二首

詩翁靜三昧，筇杖壁間橫。
小閣自清絕，幽芳從瘦生。
巧當窻影見，時映燭花明。
底用尋春去，衝寒踏月行。

羅帷護春色，羣木未昭蘇。
絕勝翻香坐，聊陪琢句臞。
天資便靜獨，冰影倚空無。
後夜逢姑射，仙家白玉壺。

翁約
相過

再遊虎邱二首

闔廬歸骨地，僧宇庇高邱。
又趁能詩伴，來為弔古遊。
英雄餘幅紙，歲月莽東流。
未解山前客，相逢更說愁。

末句
紀所

見

令節攜壺客當年伏虎山詩成雲氣上人語畫圖間官
作三年佳時須半日閑從今碧眼老幾送醉中還

謝陳夢錫詩卷二首

詩法工如此何時粟一囊渠儂須擁簪老子欲燒香世
論曾賢否人家皆稻粱願天開老眼為子療飢腸

高才萬夫敵餘事十全醫有句撞袁玉宅年飲上池可
緣乖世用政自畏人知當復嫌多口頻煩說項斯

即事

側徑苔竹潤短籬鷄鶩喧小停障日手聊憩臥雲村綠
影烏皮几新醅老瓦盆平生農圃計重與野人論

次韻羅春伯提舉

龍公靳飛雨盍趁望時來尚及豐年計真令笑口開池
蓮端自若月地信佳哉倚檻西風夜題詩判費才

送高縉之歸謀武林結課二首

眼底論人物如君亦壯哉作書猶乞米造物不憐才跋
履妨詩筆祛除近酒盃飛塵棲劒室歸棹莫遲回

縉之室

所居

輻輳羣英地皇州異別州能文纔倚馬作意付焚舟士
價知名下醫門要擔頭明年春鴈足詢我賀書郵

歲晚言懷

病在歲云除相羊小石渠連朝無出日進藥止觀書舊
苦將迎困新慙誦說疎官曹不事事世恐誚相如

紙屋酣春意霜空凝凍雲甘違酒伴約稍策睡鄉勲寂
寂觀空色堂堂斂放紛冥心得今我回首謝前聞

雀響初防雪鴉驕恐報晴徒妨一老夢莫究二蟲情虛
籟吹羣動洪爐寄短生只今觀物化未替白鷗盟

天晴
雀飛

有聲時人
以為欲雪

贈相士蜀張二詩

博古亦多藝相形仍論心司南輔名教左契指升沈好
語空千紙行囊未一簪鄉關劔閣外鴈足謾歸音

貧病謝人謀形容覽鏡羞要隨耕釣往聊為斗升留子
術誠探妙吾門恐暗投霜髯文學掾寧復鄧元侯

贈陳錢二別乘

久絕還往邂逅二公陳園小酌話舊且約為小築之遊

蜂蝶如相識窺人却怪生
平時被花惱因病此心輕
笑語初疑夢香紅旋問名
杖藜回白首顏景歛銜城

花氣浮遲日鶯歌佐緩觴
肯孤畱客意兼貸著書忙
疇

昔朋遊樂扶攜醉後狂
因君話塵外清興頓能長

塵外樓名

小築縈人夢詩翁況舊期
定攜桃葉女猶羨習家池
鶯燕聽歌慣風煙取醉宜
錢春餘幾日一笑更容遲

送李元英還常熟從周宰讀書

久趼尋師足還家訖受經可容輕日力政使帶朝星高
步須堂與它年看典刑奉親時得笑餘事賜袍青

次韻歸路微雪

卓犖康時略昂藏報主身衝風還按轡飛雪却宜人帝
渥先春遍詩題觸目新行行何樣好歸路玉為塵

鹽城阻冰雪贈陳德美三首

斷港冰初合窮塗歲欲除臨年仍此悔議道得無疎撫
事空搔首何人為寄書海風吹浩蕩側望正愁予

身口真相累風霜得備嘗
即今歌匪兇未慙反屠羊
辟謗規開口因衰再覆觴
不知詩酒外何計逭悲涼

雪意知呈瑞還欺客鬢星
悲歡隨處異艱阻向來經
夢境翩蝴蝶宗盟近脊令
盤飧更譚塵足用慰漂零

夜雨

窻聲呼夢斷燈影尚微茫
忽掃蚊專夜從知雨獻涼
佳眠嗟莫續殘漏耿猶長
却憶檠三尺馮書怯曙光

次韻何學諭送行二首

時小休
吳江

新詩念報答，咄囁未能書。
落筆羣英右，惟君一敵如。
窮愁疎翰墨，客路費羲舒。
延閣青冥上，摩研正望渠。

湖山迎客棹，觸目總宜詩。
回首蓬萊近，平生汗漫期。
衰年得奇觀，往事屬懷思。
何日鷗夷去，扁舟共翠眉。

曹娥廟二首

處死稽緇素，求名每寂寥。
紛紛等枯冢，凜凜獨高標。
玉刻龜趺字，風驅水伯潮。
英魂儼如在，楚些未須招。

閱世誰無父，渠寧厭久生。
驚波輕一死，森木竟雙瑩。
石

壁千尋立江流萬古清
祠宮拜遺像猶復涕縱橫

寄師文二首

父子相為命淮鄉望海隅
誰非牛舐犢心羨燕將雛
綵服藏書蠹青春負隙駒
營營溫飽計猶恐未良圖

阿泰知何似無書坐地偏
未妨歸緩緩可免意縣縣
肖父仍便酒如翁不蓄錢
况須供老眼欲說已欣然

登招寶山

一鷺風煙上三韓
指點中地隨山共盡天
與水無窮夢

蟻紛軒冕騎鯨可閬蓬仙曹應拊掌顧我簿書叢

定海四首

縣境拖脩直人家住土塗三方鯨浪湧一島虎頭孤風
物猶佳處絃歌付老夫平生蟲篆意或許間憂虞

齒髮今如此東來料一寒愛民平日事宰縣昔人難稍
得官租辦聊容坐席安渠儂趨負輓疑未厭兒寬

穫稻來境埆開筍薦碧香地偏皆斥鹵汲井得甘芳漫
仕今千室前人陋一鄉民安吾亦飽相樂亦相忘

官廨鹽煙外居人雜賈胡聽言須畫字討海倚輪租習俗何妨陋鮮肥頗不無已甘三載住疇昔計乘桴

聞師文過錢塘二首

行役兒無慮衰懷自不忘待潮何處泊聽雨共更長指
俟烏供哺先容鴈著行更寬三日計茫蒼下歸艍時師是入

州迎
兄舟

九堰三江外欹帆側施頻海鮮當入筯雨鵲定隨人椒酒須分歲江梅巧借春團欒多樂事未沫物華新

卽事

平昔功名念如今冷似灰藏書堪樂死望歲待歸來小
宅依城築虛簷枕水開溪翁詩社侶有酒賸追陪

官居二首

礫礫初鳴曉通通已報衙拙勤知待旦欺給未停撾漫
役鄉園夢祇添老眼花屈信庸敢計斗祿倚生涯

官居不惜日宰縣動三年忍事腸欲爛為防頭救燃不
應一飽計長受衆人憐俛仰堪供笑人間海易田

送學生歸赴秋試因省別業三首

涼意蘇殘夢催兒起問塗功名數前輩術業舊原夫漫
觸煙樓破應先老驥驅蠲痼吾有待端不倚岐盧

年事真無賴官曹已憚煩兒堪付門戶吾粗有田園遊
舊因相問襟懷為細論此心歸隱計日日受風幡

食口幾鶩雁田收問菜麻

子美力難及黍稷得種菜與麻

寧堪再攬減

淮人謂歲飢為年歲攬減

又抱兩嘔鴉

越人以嬰兒為嘔鴉

投老憐漂泊何時

了貸賒終慙陶靖節歸不計生涯

冬至

至節占天意豐登又必然相風綠漪靜賓日喬雲鮮比
屋皆生意窮閭有醉眠端容衰病宰索句海山前

正覺
凌曉

望日出五色雲
捧之是日無風

立春

春信葭灰動尋知寒事休光陰從冉冉身世判悠悠鬢
影看銀勝官期志土牛羸骸更元命惜為斗升留

祭龍

廣殿羅籩豆脩廊振珮環帝觴初拜手仙馭不違顏瑞
霧浮空下靈風拂袂還定知龍宛宛千祀拱南山

答龔炳澤卿

龔寄書首云
今更名炳

之子違離久前宵夢見之秋蛇開側理曉鵲啅疎籬歆
秀何時改郊庠更問為有言今贅矣暗裏自應知

送嚴上舍并寄諸公十首

嚴子老且健翩然湖外行歸來困一跌悲嘯念餘生幸
棄扶衰杖幾成折足鐺開籠出雙鳥身已御風輕

嘖嘖鴈聲急稜稜秋意深行都舊新雨獨客短長吟子
肯憐衰病時來慰滯淫惜無移日酒留照蠟燈斟

右送嚴

自昔金陵幕周旋未盡能淒涼論閥閱突兀擅聲稱直
已堪從事公言不負丞嗣當蜚鶚牘畱眼看依乘
聞道張夫子還家俗累輕兩官終短袖五字屹長城龍
斷悲人世煙雲寫物情只今遙夜月獨許伴空明

右寄張次夔縣丞

趙子趨吳幕予偕詠舞雩迄今推轂力不墮拾塵誣鬢
脚今全白車輪欲半朱何階答知己冰蘖耐窮塗
已種河陽柳將題晉客輿論交記曩昔因使問何如擁
燼應多暇援毫不一書詩成當屬我拜賜袞袞餘

右寄趙景安府判

憶訪俞夫子頻煩挽袖留酒邊無俗物塵外有高樓未
醉催歌扇言歸聽漏籌此歡誰與繼怡悵歲時道

暇日詩成集西來見未曾金徽想流水玉井定層冰呵

護山靈惜流傳紙價增石湖千載託密密續前燈

右寄俞君任府判

交際論才業何郎種種長元推萬人敵況別四年彊文
看青錢中詩須古錦藏西歸容盥讀老境借輝光
舊識追風足低摧坂下車長驅待雲路小捷已鄉書唾
手須科第差肩有詔除公餘富佳句記我渾樵漁

右寄何解元

再次韻十首

重見髮更白羈棲偕在行余嗟遽如許子亦可憐生玉
粒書新券霜蔬煮破鐺詩成莫浪出或取世儒輕
曲巷纔人跡泥淦沒屐深未妨衝雨到要伴掉頭吟大
巧專亭毒何時掃疹淫濁醪君莫厭排悶勉孤斟
客舍無佳晤君來肯小留衣穿從見肘賦好似登樓論
世聊捫舌輸碁不計籌明窻坐方穩寒日為誰道
吳門詩酒伴入社記吾曾香篆溫難燼銅壺冷易冰賡
酬恕吾老聲價放渠增衰謝猶迴首思分部屋燈

朝家無闕政秋榮繼春雱恤緯憐吾怯知言敢自誣
開陰寧董傳為已肯楊朱未斷蝸緣壁仍多豕負塗

城西山水窟早晚命籃輿勝絕僧能有拘攣我不如山
雲側步踊雪壁細行書它日嘗盤礴蕭然樂有餘

中天有臺閣自問汝何能世路信薄命吏曹須異稱北
歸甘醉叟西上且聾丞執友論文地能無興可乘

進業湖海窄取名絲縷輕因君論前輩衛道有金城潢
潦先知本機緘貴用情靈臺與秋日烱燭古今明

仕為飢寒迫歸憐興味長卜居從詭譎勿藥幸康強隣
擬千錢買書開萬卷藏殘年文字癖更欲競流光

靖節瓶無粟思歸更命車慵垂督郵帶況袖子公書老
我須閑適塵緣得破除還應與鷗鷺分占碧溪漁

題陳主管小壺天三首

陳延客
棋于中

一室凌埃壻公堂更左偏閑消官上日小隱洞中天棋
酒隨醒醉蚊蟲斷撲緣憐渠鍛爐側矻矻計巢仙

棋枰外世故喧靜信奇偏俗網恢三面冰壺令一天時

供詩友課未斷宰官緣付我紅塵去如君自半山
未放歌雲散先看醉帽偏周郎自醇酎樂廣定青天持
勝收賢業推枰睨世緣明年一品手却訪玉堂仙

過八疊鋪問宿

平野俄空闊遙山且有無斜陽對捫蝨瞑樹忽啼烏老
去猶羈旅生平頗壯圖田翁詫豐歲不擬話為儒

高頭山

小駐緣雲脚居然睡眼醒楚田銜樹闊漢水挾山青蹠

躑初忘倦巉巖已飽經川原方啖蔗不擬歎漂零

無題三首

薄宦受風梗還家歸岫雲行人與喬木老色竟平分
末路慙周朴窮交有墨君看渠綬若若干騎詫鄉粉
浪出嗟何補歸來樂有餘山川付不借天地託蘧廬
酒熟聊呼客鉤垂不在魚平生棲遯意政用葢迂疎
卧病十四五秋來身自輕已拚不藉在寧復可憐生
每笑隱者傳尚存身後名灌園聊日力分藥且交情

思歸

薄宦隨漂梗流光任迅湍
家山蝶夢隔節物鴈書看
往事頻回首微吟小凭欄
多情但烏鵲時肯報平安

答壽詩

感念垂弧日無成忽老衰
尚須庚癸諾可諱甲辰雌
但有散人傳難勝幼婦辭
呼兄張座右言配蓼莪詩

次韻章宰

窮山從薄宦小郡著衰翁
政術甘疎拙辭壇敢長雄
一

飢纔自救五細未宜中又擬包羞去京塵冒軟紅
遊舊多厭絕怪君終眷知帳留仍碧酒紆獻更清詩風
義固難及月評無乃私相從文字樂悔作十年遲

過樊村

幾日囚籠鳥今朝縱壑魚空勞計遲速凡百有乘除岸
勢驚禽過江聲午夢餘心融得新句澄水滴銅螭

漢江
水黃

濁貪行不
暇汲井

書懷二首

俛仰人間世，纔為一笑資。
百年羊胛熟，萬事虎頭癡。
文字聊遮眼，功名浪朶頤。
浮生如此爾，況復病餘衰。

薄宦爬沙地，平生一不施。
才名將底用，齒髮歟如斯。
自笑書汗馬，誰今手不龜。
惟餘五色筆，忍賦四愁詩。

步西湖次韻徐南卿

前後九首

載酒幽尋地，乘閑得再臨。
麗黃啼曉霽，魏紫笑春深。
撫事揮犀管，他時夢鶴林。
心期更闋寂，物理付昇沈。

楊園騫絕嶺，萬象赴窺臨。
坐久嵐霏潤，來時翠碧深。
鷺

花自佳處魚鼓亦叢林誰在飛埃外芸芸付陸沈

山寺曾題竹尋詩記所臨緣雲俯空曠捫石探幽深倦
鳥低平野薦花下碧林沙頭催喚渡空水遠沈沈

水月春猶淺攜壺記此臨雲煙澹閑寂魚鳥媚清溪堤
路俄人海侯家或肉林高樓下金彈簾影眇深沈

水月趙園

名

徐子學詩苦硯池寧暫臨課功初顛顛著語遽精溪更
積歲月力儻陪英俊林人生才業地渠輩分平沈

徐郎小隱處愛我許迂臨多選話歲晚言歸忘夜溪祛
愁倚詩酒結伴卜山林更喜檀欒舊風煙挺綠沈

西湖千頃畫政用好詩臨鑒揭霧解駁屏紆雲淺溪鈿
車隨寶馬紅舫度青林歸去開囊錦君先炷水沈

詩課逴離索蕭窻誰肯臨語方逢衆怒自詫用功深未
議辭窮鬼纔堪補笑林舊交多冊府肯信有湮沈

逐利爭名地扶衰耄一臨官同水谷冷盟締海鷗溪局
步無夷路卑棲有故林鳶魚天地內遂性各飛沈

觀諸公射於城北書壁二首

舊約已湯餅新歡仍碧香
小閑障日手同憩臥雲莊
羣彥矢復沓老夫詩在囊
蔬畦暝晚色野興為誰長

塵我玉蟾蜍弦君金僕姑
分曹雙壁立中雋萬人呼
壯歲功名地從渠山澤儒
他年玉音問冊府起孫吳

次韻楊宰次郎裴

時予亦留西鄉因述懷

信次尚村落食眠隨曉
晡山瓶餘瀝倒

村人以野釀名瀝倒

僧宇

謁伊蒲笑挾兔園策
問收魚澳租前灘
起鷗鷺為我作

前驅

次韻楊宰公田道上

人有褰裳去時閑野渡舟知君問彫瘵隨處訪深幽歲
事方闕念村醪不破憂貫租仍已責或可繼前脩

次韻楊宰樊汭

邑東南或偏得雨然足不足村
不同嘗與令君言荒政寧虧

官無寧屬民此役也哀不幸畧
僥倖乃可因君有詩輒次韻

龍豈分勤惰司存想異方
縈雲均此意豐歉竟殊疆
惠戒憎漏網君寧專擊強
東南有偏熟鄙語未應忘

次韻楊宰秋尾雪

密雪界秋冬悲歡可得同
祥如闕歲事時合奏場功
政要肉骨手民方霜葉風
強吟鹽絮白面不益羞紅

次韻楊宰韻蘆格

生常信流坎老不歎漂零
雪後菊未死雨餘山更青
仍煩析塵語遠寄打包僧
政績隨詩價多君日日增

次韻楊宰述懷

為儒如此爾糧食第晨晡
詩漫南山杞愁連董澤蒲
賓

筵闕鶩鴈券負有牛租久要惟窮鬼文成不受驅

次韻楊宰野步

筇杖陪隨去漂然不繫舟雲低山影暝風定竹林幽病
減柳臂感老無蒿目憂吟詩如蝕月玉斧儻能脩

次韻樊汭

荒政賴賢守湛恩推上方龔黃真父母秦越肯圻壘手
自起僵仆術先銷暴強膏肓得司命銘肺可能忘

次韻楊宰雪

對雪動遐想此情今古同饒為灞橋句會奏蔡城功恥
臥袁安屋思乘列子風高翔廣樂地眩旋九霞紅

次韻楊宰宿田家

雪曉烏驚矯無風葉自零人家住莽蒼徑栢挺寒青千
載猶歸鶴三生省病僧脾虛眼多眚更比向來增

次韻漕使張守二首

政績新皇眷功名舊壯懷人才雙立玉筆勢各排淮鵬
路天惟咫尺生骨未埋行看仲淹弼接武冠堯階

授書天佐漢鼓篋客師韓氣宇包溟渤辭鋒凜莫干經
綸股肱似姓字齒牙寒不作規隨起誰令九鼎安

題吳司理子隆兼隱

紳笏視林藪達人忘異同端知柱下史却笑鹿門翁
狔獄仍陰德詩書亦雋功何須笠澤去煙浪放船篷

次韻張守赴真州辭家

爭引依風領須公布惠慈深恩手摩拊數計月盈虧
歲事方援溺情親更語離來時鴈天闊觸目總宜詩

次韻張守惠山

詩伯心如水熊轡再護邊
教條父老舞姓字裔荒傳客
到牽鈴索詩成仰屋椽
平吞雲夢澤聊酌隱之泉

次韻張守塗中逢節二首

向予房州之行亦
舟中作歲節飲

塗中歲邁盡江影暮澄凝
栢酒惟宗武河梁似李陵
問津田叟傲捩施長年能
繫纜纔沙觜人家已上燈

賞心仍令節十事九相違
老境家猶遠愁城日合圍
客塗君尚歎世路我知非
羨殺鄉居子耕梁木葉衣

次韻張守與潤守總卿詩四首

天階玉作筍此地合垂紳尚戒專城馭虛逢顓俊辰公
方閱竹馬名已薦楓宸政恐經綸去諸公拱後塵

漁樵送晚景天地著陳人澗底離奇幹人間浩蕩春峨
冠纔識字何策可資身不擬千言賦忉忉恩大鈞

殘年仍舊學平日亦新書酒渴今司馬巖棲昔幼輿夢
無三字拜家有五車儲但諗催詩燭吾衰冀少徐

向我能忘勢張侯却甚真頻分代舍飯遣濯客裾塵長

日無知己因君愛此身可須斲劑力振臂起漳濱

頰江樓分韻得春字

子政文筆勁武陵豪氣振高騫霄漢步分占燕鶯春造
化歸吟思謂二公鑄壘著散人芳時好賓主載酒未妨頻

次韻楊宰泛湖

昔日草玄手效官今武城端憂計豐歉行色問陰晴詩
酒時陶冶身名孰重輕猶能記駑蹇拜賜得瓌纓

次宿北阿韻

聞道籃輿去遙崗復近阿詩應弔孝逸碑或贊頭陀靜

者官餬口公朝禮作羅憐君日阡陌塵土撲陰何

北阿李孝

逸破李敬業處

次韻趙帥四首

藩方人莫枕楚尾鐵為城曉日熙仁惠春雷殷政聲護
邊一李勣增戶幾王成笑指瓊花露如公徹底清

腹裏羣經笥毫端五字城少陵寧漫興侯喜欲無聲竊
聽鐸金奏仍聞破竹成君知盥手處毛骨為誰清

我亦飽參僧羸糧走百城諸公傳句法夫子擅詩聲自
笑屠龍誤時須畫鷲成峨眉出苦語蛩夜共淒清
自昔繁雄地蕪城壓錦城惟公工活國上課已蜚聲富
庶幾當日調虞屬老成歸應演周頌宗祀奏維清

次韻林子長

詩壇舊同歆攀附不無因攬轡今膚使回轅記老身雲
泥知己隔譚笑尚容親不記棋前酒當時定幾巡

次韻趙帥歲暮

夙心觀物變投老得詩窮玄草居然白爐其却暫紅詩
緣梅雋發愁倩酒消融未用凌羈客疎簾逗雪風

次韻小閣

聞道委蛇地金虬自炷香心雖便靜默時恐後騫翔物
外貯春色人間占夜光定誰傳句法俗骨點玄霜

高宗皇帝挽章二首

雨露均皇澤丹青煥帝猷恢圖自天運授聖與神謀方
珍脩齡夢俄偕造物游姑山餘四子不復候瓊輶

措俗皇風粹怡神象帝先寶圖傳聖嗣金闕覲羣僊典
訓昭如日華夷痛所天衣冠游歷地一一淚河前

高宗皇帝挽章二首

天地重開闢華夷赴指揮羣生欣按堵三紀仰垂衣鳳
歷雖無極龍樓忽告違廣成譚道處千古想驂騑

精一心傳後功隆道固存徐乘僊馭去往儷玉皇尊典
誥無遺意臣民有斷菟嵩靈弓劍望愁霧慘中原

壽皇聖帝挽章

孝儉超千古初終秉一心時前未央酒每惜露臺金遺
範天同久湛恩海與深攀摧慟夷夏悲淚作秋霖

壽皇聖帝挽章二首

受授光堯禹規摹陋漢唐皇圖開壽域國步坦康莊檢
玉方慈範乘雲忽帝鄉華夷均孺慕矯首涕洟浪

慈儉遵先志剛明肖上乾題期千一遇躋治五三前他
日山藏壑終天澤漏泉稽山穿望眼松影五雲連

強同年次子挽詩二首

識子初衿佩，嶄然自夙成。風猷乃公似，文字老夫驚。遽
隕連城器，難推造物情。新宮漫仙伯，政復待君銘。

弱歲不好弄，俯窺同隊魚。開編便頭角，諸老辦吹噓。囊
錦餘詩草，悲風忽轉車。人今埋玉恨，清淚灑衣裾。

黃尉挽章二首

傳緒祖風懿，居鄉家道肥。羣書了漁獵，一性自弦韋。官
僅紆黃綬，時須補黑衣。空纏百身恨，遽作九原歸。

落筆心猶壯，論年鬢未斑。硯捐初鑄鐵，澤失善藏山。談

塵那容數靈輻去莫攀松阡縈望眼衰淚可勝潛

李粹伯挽章二首

今代論時傑如公未易量冰壺鍾器質繡段粲文章遂
鬱鸞臺望俄成馬鬣藏忠賢如此爾天意竟茫茫

病酒漳濱久傳聞信復疑為郎真地下哭友漫天涯雨
紉何由挽風松想助悲自今思有道時展蔡邕碑

五言排律

九日

樽俎天風度亭高眼界寬江山對吹帽煙雨入凭欄蟻
酒傾靈液霜花碎辟寒樂長回過鴈香細靄雙梭樂事
酬佳節千金命一歡燈前喚歸騎星漢已闌干

次韻盛教授

詞章有餘力老色歎侵尋况苦漳濱臥俄聆正始音新
篇驚間發平處冠來今脩月無前手凌雲得此心葩華
分子細矛戟駭陰森玉楮何勞刻於菟不易擒競傳平
水市或博樂浪金妙斲風無迹窮搜海並深與時猶落

落逼古謾駸駸襍被征塵暗臨流鬢雪侵徐驅憐老驥
決起羨驚禽善價渠能許清愁可得禁不無青白眼聊
費短長吟頃歲欣相識高山慰所欽周旋窺義府衰朽
謝書林適越慙荒陋依劉耐滯淫交情向來密詩病幾
時箴遲子迂軒蓋呼奴潔釜鬻其爐足幽趣玉唾滌煩
襟斗酒窮簷日招搖得共斟

再遊殖軒小酌

生世岐喧靜平章有不如宦塗吾畫虎濠上子知魚去

索長安米歸紬笠澤書茲軒佳蒼莽勝日復躊躇酒盞
扶頭後鶯聲禁火餘蘭風度樽俎蝶翅掠襟裾有底煙
霄意便為水竹居可須供麴蘖未後課耰鉏花蓓紅酣
日池光碧浸虛鶴頭依綠荇龍骨鬧清渠詩興因超忽
愁端得破除時從一吟醉小計百碑礫

送羅提舉

萬口歌謠裏臨歧挽使車五雲金碧際平步闔天居皇
眷須裨益清朝有詔除致君真夙素活國此權輿壯歲

持英節春風滿比閭民皆樂耕鑿吏敢狃侵漁日者流
離歎時方旱曠餘飽飢親勞來骨肉費勤渠汲直開倉
後韓公報政初重前漢皇席肯挾子公書冠豸傳應實
嬰鱗可待徐規恢今日事把負與時攄吏治捐邦蠹羣
妖信鼎魚衰翁憐命蹇違世坐才疎但有江山助曾無
甌石儲登門仍造次作意借吹噓此去遊丹地能無薦
子虛壯心翔碧落歸夢謝黃淤凝睇成分袂從人更曳
裾念為天下賀不擬賦愁予

謝龔養正病後分藥

如許臥疴久入春知少蘇遽能捐藥物分惠及吾徒字
驗親題健形非賤子懼人情工老芋友意寓柴胡恠底
陰陽冠偏陵山澤儒從君足力減歎我酒腸枯解橐供
砭劑投筇試步趨身方困厲鬼名已屬亨衢書蠹妨生
理孟蛇可自誣斯文千歲計平世萬金軀大手堪周史
諸公待董狐幾時隨急詔帆影漾前湖

養正補
官有信

勸農書淨居壁

小出成休務徐驅免戴星風枝禽磔磔煙隴麥青青蕭
寺蜚塵外行軒數刻停臙呼黃髮叟看臥碧香瓶庶富
幾無憾耕桑飽所經由衷疎直語或可比閭聽

寄顧鯊判

定海虛籍米數簽幕
主張蠲放作詩謝之

版財虛占籍為弊與年深挹酒空名斗無虞可即禽焦
頭寧自救捫舌未渠瘖上幕真時望平居念陸沈蠲痾
丹九轉援墜綆千尋容易令公喜恩勤獲我心益昌畱
署考神武貸抽簪厚德何容報交情擬斷金

飲寓隱

軒亭曉清曠行樂未妨頻無客不堪醉有花長是春憑
欄尚紅藥結伴擅芳辰笑駐凌波步香分折角巾鶯聲
殊自健杏子況嘗新仰止宗英伯來為鄭驛賓言辭獨
樂樂仍命可人人鴻弄舞時影梁蜚歌處塵棋枰誰得
雋詩筆自疑神欹倒何妨屢歌呼却甚真升沈塞上馬
容易鬢如銀奈許追歡地回頭迹便陳

再遊福溪巖贈主僧

山路細縈蛇，欹危訝泛槎。幽人肯假榻，倦客似還家。栢
徑初軒豁，筠窻更靜嘉。飢腸如作苦，齋鼓恰停撾。茶供
含秋露，菰葅帶早花。香粳有炊玉，煮餅不揉牙。好在經
行處，還憐舊約差。摩挲驗蛇蚓，圓缺屢蝦蟇。境信人俱
勝，心寧迹與遐。農時多閔雨，意緒每如麻。却話三生契，
空嗟兩鬢華。蒲團坐雙穩，良夜對篝紗。

均州贈應守沈倅

聞道均陽郡，平時百萬家。客行休訪古，世異定興嗟。逐

逐纔為市通通亦摻搗僅成新聚落那復舊豪奢屬者

歌簫地連畦蔓瓠瓜今來冠蓋侶薦飭欠魚鰕

連日買漢江魚

無所得

狹路幾沙磧頽垣賸土花街塵全鳥雀屋影暗桑

麻恐有如鴉鵬仍驚攫肉鴉遺基滿空濶面勢踞谿訝

一水紆龍脊羣峯遶犬牙封疆界梁楚形勝引黔巴郡

計稽圖牒農功富秉耗吏庸常報最帝澤向來賒劫火

延中夏髦頭震四遐風聲離夷裔俗習墮奇衰穀蓄寧

關慮山荒久廢畝腰間尚牛犢籬脚漫縱肥久矣皇恩

洽悠哉戶籍加帥車初柅軌倅戍未歸槎厚本還千載
移風待兩衙撫摩端不苟悃愾信無華已日知胥悅為
生漸有涯耕耘捐末務情竦棄前瑕條教須源委浮淫
計藥芽要能瀦鄭白不必漕褒斜號召人投袂汚邪歲
滿車騰陵傾獻替陸續拜亨嘉績效煩銀筆人才況絳
紗翰藩仍庶富餘付史臣誇

江湖長翁集卷十一

欽定四庫全書

集部

江湖長翁集卷十二

詳校官庶吉士臣吳烜

主事臣呂雲棟覆勘

覆校官博士臣劉光第

校對官典簿臣劉景岳

謄錄監生臣林大本

欽定四庫全書

江湖長翁集卷十二

宋 陳造 撰

七言律詩

赭圻

朱旗僅奏蜀川功
咫尺中原未向風
禮接謝安猶故舊
心知越石是英雄
生前逆氣無宗國
身後餘殃有狡童
忍對青山話遺臭
人生過鳥抹秋空

門題

自笑冠裳裹沐猴只今江海信虛舟
斷無貝闕珠宮夢好在黃鸝紫蟹秋
詩外盡為閑日月人間分占素公侯
政須鸚鵡驚供青眼未厭山林映白頭

飲客

暑氣憑秋已自消可能枯策伴良宵
試開玉友招詩客共吸金波對舞腰
人近笙歌堪耐老天非風月定無聊
簿書正使無閑暇卜夜時須慰寂寥

次丁嘉會韻二首

其弟嘉正亦在

倦駐頻題醉後襟
離羣自歎闕知音
卜鄰未暇論前約
著語聊須慰此心
小挽歸軒清夜飲
憶嘗對臥白頭吟
中年畏別猶輕別
添我霜毛又幾尋

塵裏清風忽滿襟
詩成正始識遺音
才輕餘子今文舉
氣壓諸豪復季心
棋罷蠟燈銜燼暗
酒闌庭樹挾霜吟
百年衮衮須今夕
歲晚鷗盟要重尋

再用韻寄丁知縣三首

旗亭風月小披襟
慰我東歸聽足音
潮水去來當有信

岫雲出入自無心酒盃乘興從妨夢詩律緣愁久廢吟
明日揚舲回白首煙橫北固櫂千尋

南樓酌酒未分襟鶚啼烏亦好音晴日倒紅生笑頰
煙梧搖淥漲盃心可堪歲月供行色盡把江山博醉吟

不繼蕪湖畱十日焦峯浮玉恣幽尋

丁為蕪湖簿畱予必以十日為約

別時把酒欲霑襟楚翼吳鱗要嗣音撞玉饜聽辭客語
斷金淡得故人心對床風雨終前約滿眼湖山念獨吟
何日水雲淮上宅草荒三徑肯溪尋

念衰

心意彫殘底自娛每臨清鏡笑頭顱詩從多病難為好
官過中年劣勝無急景驅秋著髭鬚歸鴻銜夢下江湖
更應載酒高陽伴誤輟歌呼話故吾

閑適二首

人間火烈更風蜚笑殺幽人詠檜枝貪赴敵場爭腐鼠
寧知造物玩癡兒百年擾擾玄駒聚萬化悠悠野馬馳
老子床頭但周易尚容隱几耐支離

丁年故紙枉埋頭老去時名底用求得句蓋嘗身被謗
屏書姑免眼為仇關門工作索馳坐閱世已冥鵬鷁遊
槁木山麋真適適從來里舍議家邱

九日畱交代

歸軒小駐莫怱怱佳節胡宜客路中已締金蘭千載契
政思萸菊一樽同磻山煙薄秋容瘦槐袞簾疎晚照紅
此興向君殊不淺要看醉帽受西風

次韻蘇監倉二首

時蘇兼
主邑學

交朋又得一相如高掩虞郎行祕書妙論析微驚我倒
諸生到眼可人無一官幸此分鄰燭五字渠能攬虎鬚
快讀清篇病如掃北軒風竹對森疎

長日奔馳傳置如久妨著論與抄書逢人爭席有時有
疥壁畱詩無處無禦寇未辭躬楚製論文常憶攬桓髭
扁舟再有東游便肯向朋從自作疎

再次前韻二首

未說高文錦不如談間已勝十年書是中我亦潛心久

作者君今舉世無應俗不堪塵眯目論交政復棘如鬚
獨憐兒戲心猶在更向詩筒較戚疎

倉官尉職賤誰如終歲區區奉簡書勝日偷閑須著便
青山有約定來無著書聊閣如椽筆疾惡休張磔蝟鬚
好袖新瓢五峯路碧淙清樾伴蕭疎

縣圃酴醾

北園紅紫已蜚塵始放幽亭爛熳春疊翠影低珠纈重
洗粧人倦玉容真薔薇清露疑分派茉莉評香且外臣

領畧濃芳須好語即令袖手恐花嗔

賞酴醾病不赴

不得花前共一樽
蕭齋藥裏自相親
閑追水佩風裳夢
空負雲階月地春
縹緲瑤英霧為幄
敷腴玉面酒生鱗
蜚觴刻燭輸公等
定指芳條笑惡賓

次陳宰韻

觥籌交錯舞僛僛
曉色侵窻客未知
便整醉龜乘款段
尚餘吟興屬酴醾
還家擬趁寶瓔珞
喚客重乾金屈卮

著意風煙與調護免教花意恨歸遲

徐陶會

松底軒窗卸虎韉竹簾閑裏石爐煙山間風日小春後
會裏杯盤長至前蟻子醪敷能及客彈圓侯栗不論錢
巖棲野嘯平生意失脚塵埃雪滿顛

即事

泛蟻醪敷且命斟中年節物自關心風前千柳競春態
煙際一鳩啼晏陰急景絕憐添鬢雪芳辰猶阻盍朋簪

年時醉藉梨花地回首鷗盟可得尋

縣西

一徑斜穿犖确行身閑尤覺馬蹄輕坡頭嘉樹千幢立
煙際長江匹練橫茶鼓適敲靈鷲院夕陽欲壓赭圻城
一春簿領沈迷裏野鳥山花眼最明

上義橋早行

一從筮楚替陳編漸慣山行野店眠白氎風霜鷄唱後
黃塵岐路馬蹄前光陰付我千莖雪伏臘何時二頃田

寄語淮鄉隱君子浪言梅福是神仙

寄幼度主簿

辭家暑雨濺紅蕖轉首薔花已雪如歲月祇隨流水逝
笑談陡與故人疎簡書我正罷長道歸棹君行指舊居
他日霜風吹夢破空從旅鴈覓來書

和張秀才

山川向晚點塵無忽訝篩瓊屑玉鋪巧與梅花爭便旋
試將姑射比肌膚破寒春酒何曾釀薦飭窮鳩不料臞

陵藉東君從作意未妨芽甲暗昭蘇

雪晴再用韻

龍燭飛空雪漸無光搖窮巷麗金鋪妓樓遽喜春生座
席戶渾驚粟在膚剡水不須乘興去飯山猶是作詩臞
自憐白髮疎慵客擁被高春夢未蘇

次韻早春

良辰邀醉得錢無雪後郊原翠欲鋪無力晚風搖柳線
有情新日養花膚尋芳擬貸愁邊意照水還驚病後臞

春到祇思為圃樂
賸移杞菊種
鷄蘇

次韻張秀才雪

可是春皇吝物華
羣仙剪水作奇葩
壺中天地渾糜玉
風處園林盡勒花
宿火煖寒聊楮拙
夜光落手忽驚嗟
忍飢遽擬搜詩謝
何異空腸更飲茶

用前韻酬雪霽

東風吹暖擅年華
不放江雲颺素葩
嫩碧忽看搖水面
暗香已復辨梅花
塵埃憐我褐之父
名德思君畱子嗟

沈辱清詩祛滯思真成酒病薦真茶

寄丁主簿

江邊聚首偶經旬自挽園蔬拂甌塵老檜根株官舍古
涼蟬風露賊曹貧斑駁去後情無那紫燕飛還句更新
一舸東浮待秋老菊花蘆葉定畱賓

寄林子長教授

芹堂風景幾經過匝坐紅蕖倚綠荷下筇慣嘗雲子味
開樽仍費雪兒歌官移催我離羣去夢境思君樂事多

鴈足寄詩情未薄却慙屬和付羊何

楊家會小坐

斷蛻收盡有雲屯月映蒼茫山斂昏白露素空猶暑意
碧林危葉已秋痕鳥鳥定為何人樂絡緯惟能竟夕喧
老閱流光易悽惋惜無佳客共清樽

七夕

龍旌鳳扇一相迎知費青禽幾寄聲天上經年纔舊約
人間轉盼便更深更涼河只向樽前落微月偏來酒面明

後夜玉琴彈別鶴獨應乾鵲夢魂驚

復程平叔

早歲雄文手自編偶同聞喜聽鈞天漫為官去吾何取
肯寄詩來子定賢潘岳自憐頭易白士安況苦病相纏
羨君身健須如漆萬里亨衢穩著鞭

汪叔量白酒

妙訣何年受異人釀成珍齊祇逡巡端憂肯念霜髯客
取醉時分玉色春筍處想如君德厚飲來渾類我詩醇

借書問字渠須許走馬鳴鞭莫厭頻

寄鄉中親舊

攜書憶上上江船
撚指官曹欲二年
白傅病多空自歎
老坡仙去却虛傳
人生脩短庸非命
我判浮休不問天
來歲過君定驚笑
尚堪詩酒與周旋

鄉中有傳
僕物故者

隱靜簡堂老贈籐杖

兩枝籐杖各過頭
一贈詩翁一自畱
借力崎嶇知意厚
分岐喧靜果誰優
挂歸山路煙嵐好
橫向禪堂魔魅愁

償盡阿師行脚債不妨分我老滄洲

次韻楊樞視圩遊隱靜

勸相江糜畚鍤忙却回小隊訪山房
松風不約爐煙直晝晷潛隨僧話長
政外輟閑知有味區中得醉浪名鄉
銅丸好句長哦罷坐聽驚猿墮莽蒼

次韻楊樞喜雨

神護天闕色正莊挽回帝眷一絲香
人間雨信先鳴鶴仙界雷翁叱臥羊
剡剡青秧迷迥野浮浮白水溜方塘

豐年信出為霖手懇惓憂民意亘忘

病中書懷二首

少日清孤效樂天諫書未落世間傳曾圓八節灘頭夢
重了三生石上緣雪竹霜林便老境蒲團禪板付臞仙
詩篇把玩真聊爾古井無波敢自賢

促促浮生忽二毛安心有法賴禪逃夢知二豎今相避
仇問三彭底許餐世路從今蝸兩角燈窻姑置兔千毫
破顏細點功名錄祇許淵明酒處高

次韻元卿二首

君自才高與世疎我頑能使此溪愚
醫師久已肱三折賦客枵然屋四隅
莫道十年同好惡相過一笑間憂虞
胸中圭角今餘幾詩膽由來已破觚

笑攜佳句又衝寒政用消憂觴詠間
酒賤粗能畱子醉食貧未暇慘予顏
搜詩杜老方須藥強項蕭生且抱關
舊約偶耕猶念否霜林雪竹正斓斑

次韻劉宰

傾蓋回舟一再逢
向來淮左又江東
自驚歲鑰催衰白
況說京塵踏軟紅
吏役吾方百寮底
詩工君更古人中
挽留重試傳杯手
得醉歌呼興未窮

夏夜飲客

矻矻官曹興易窮
得閑何惜一樽同
傷愁邊到無惡客
從竹間來皆好風
勝日詩狂輸酒聖
轉頭渭北復江東
雕鞍未作扶攜去
更放蘭缸子夜紅

贈趙監嶽

才俊如君士論推
下交從昔最知歸
談間八面無餘敵
酒處千金不當揮
方辦西湖陪語笑
預愁南浦訴分違
只今又捧江西檄
連夜驚魂夢打磯

行都

露冷河傾斗柄低
望仙橋外獨歸時
風梳御柳娟娟靜
月度觚稜故故遲
幾處清歌畱客醉
誰家長笛倚樓吹
太平喜樂朝仍暮
帝力何曾爾輩知

春晚郊外

輕雲閣雨不成飛，稍喜行軒貸夾衣。
帝里園林春欲老，人家簾幕燕初歸。
滄灣潮應沙痕瘦，碧隴煙生麥浪肥。
眼底湖山聊著句，那憂樂事與心違。

託人賣馬二首

伴我山城慣嶮巖，長因馬健感吾衰。
三年粗了癡兒事，併日猶嗟竈婦炊。
會見千金市龍種，可能一笑換蛾眉。
還家劣有枯藤在，神駕尻輪得自欺。

閑人徐步覺優游，馬似羞貧意不畱。
久厭短衣隨射虎，

更憐匣劍佩耕牛楚山好處聊雙屨淮水生時辦一舟
如子長才當柄用佇看千旆擁鳴騶

次韻王知軍雪

雪神濡物不遺時嗣歲懸知羨帝祺沙界積蘇煩阿母
天仙剪水倩風姨郢城曲好無前調梁苑賓來有後期
未辦壺天陪一笑夜溪空飲索詩眉

壺天盱
眙齋

次韻汪解元

萬里亨衢子舊期故人畱眼看蜚馳低回尚作風鷺面

遇合何妨物在顧落筆每驚風雨駛探囊或恐鬼神悲
禹門合有龍頭信小待桃花浪暖時

汪免解赴省

次韻王知軍夜坐有懷

夢想天兵下不其壯心搖蕩受風枝攝衣試作聽鷄舞
窮我庸非造物兒腰下誰懸蘇子印城中人笑董生帷
西來江左夷吾在小敵纔堪劍首吹

次沈倅韻呈王漕

王家流慶水傾東不獨烏衣紀數公天畀臧孫當有後

人遲汲直未居中鳳巢衮衮九文羽鵬路搖搖萬里風
隔坐從今幾雲母定知周魯各元功

次韻王漕起秀亭

夢躡常山萬仞巔寶符千載尚依然烏孫有底梟憑夜
赤子能忘蟻就羶正朔會須還禹服登臨聊復對吳天
明年重放危亭目萬旅公方北首燕

王公每譚恢
復計甚銳

次韻趙教授

辛丑大旱農枵腹可念歌酒
市諠譁自如趙有詩次其韻

爭米何心問斗城聚蚊底許太狂生未遑餽粟如子罕

謾復公言付阿平
緩我愁腸千縷結
羨君筆力萬鈞輕

闕

頌却用詩情寫物情

再用韻

攜挈西壘復東城
觸處千愁百恨生
如許堯民艱粒食
未應漢法廢常平
愛君長策三農重
泥古迂儒一芥輕
會畧文移倒陳廩
一時骨肉慰皇情

再次韻贈郭高叔

知君詩價舊連城
不作渠儂苦瘦生
血指有人慙妙斲

空卷如我

闕

平珠同魚目曾非匹鼓過雷門定見輕

久已傳抄呼阿買

闕

可復置閑情

寄陳居仁二首

闕

得居仁書說來
作此寄之

鵲語晨簷燈夜花雙魚隨客到寒家交情從昔金可斷
別夢即今天一涯風雨對床他日意雪霜欺鬢與時加
閱人半世花開謝更覺松筠耐歲華

尚記誅茅柳外隄水光搖霧潤窻扉桑間曾是僧三宿
海上能忘鶴一歸野店樽罍醅脚釀比鄰鷄鶩稿頭肥

開顏一醉平生事更向行藏計是非

次韻郭教授雪二首

皇心憂喜與民同

闕

憐歲不豐瑤檢何時下仙界

瑞花一昔覆寰中和聲已自消疵癘陳廩從知飽困窮
今世臯夔活國手信知人職代天工

詩力駸駸雅頌同人言平處逼熙豐清篇自昔傳平水
妙曲何人和郢中頗怪鯨牙須手攬懸知鼠技笑吾窮
衰慵合袖推敲手且可旁觀斲鼻工

次王帥韻後詩呈葉教授

業履冰壺器鎔邪元戎韜畧況儒家功名自昔須橫草
南北于今賴灌瓜村墅稻田黃罷亞塞垣榆樹老丫叉
為公著意收詩藁傳與中都萬口誇

功名回首負年華梨棗諸雛未克家老計生涯須下澤
才非世用但匏瓜為儒僅博肱三折謀食寧羞手一叉
青眼故人猶念此肯持巴唱向人誇

次王帥韻

九日楚州燕帥
出詩即席次韻

使君觴客及公榮慰我他時渴德深已為穆生重設醴
更聞正始嗣遺音打圍紅袖留連舞論檻黃花取次簪
恰似雄邊臺上醉回頭歲月歎侵尋

雄邊高郵臺
守舊所臨

書劉元之教授劄子後

碧酒清歌興未央挽留行色為風光小人政自屬饜足
老子工於作樂妨舞雪放閑愁踏月夢雲驚散冷禁霜
明朝一寄相思字旅鴈無情亦斷腸

立春前一夕雪二首

天仙幾夜集瑤臺剪水飾瓊不受催直遣瑞花將臘去
盡驅和氣與春回坐窻客有吟飛絮對酒人應唱落梅
雪與相如俱未至可能草賦壓鄒枚

雪龍侵夜正銜枚破曉郊原玉作堆雲葉攀翻徒自舞
瑤花頃刻為誰開土膏已遽宜農事綵勝何妨映酒杯
幻作冰壺天一喙夢回品物各春臺

餞趙伯衛趙有詩次其韻

雪後垂楊裊綠絲郵亭折贈訴違離明朝月地嗟分影

勝日風流此一時白閣論詩成夢境清湖載酒有心期
樽前擬倩如椽筆細與邦人寫去思

贈仲國美

前年春國美亦留夜飲云

三閱春光一建瓴依然歸棹泊危亭烏迎客子各頭白
柳學故人俱眼青曾是縱譚僵婢僕又成豪飲臥壘瓶
明朝小話前溪別分付溪風管醉醒

次韻彭景貺

紫燕穿簾若有求為人端作置書郵詩翁別後猶能酒

妾尉歸來亦未侯
江閣香溫畱語笑
花樓月好記從游
即今滿眼悲涼意
投老寧禁此段愁

贈課會諸公

歲月翩翩驥受馮
妙年雲路不應賒
手中白羽真穿葉
門外蒼槐又著花
丹竈功成須換骨
天河波淺待乘槎
鴈行看即青冥上
却笑臞儒兩鬢華

再次韻答陳居仁二首

籬菊擎霜又著花
插花猶記醉君家
兩州札翰雖頻寄

一笑班荆迄未涯酒處賦成千載計床頭易熟數年加
珠璣屬我元無踵坐想揮毫寫物華

丁年也辦刺天蜚幾夢西垣與北扉未遑時英書汗簡
已煩溪友寄當歸桑榆境界寧辭冷芹藻杯盤可得肥
說似故人應絕倒衰顏五十盍知非

題殖軒

窻戶青紅斷手初桃蹊竹徑類僧居日陪騷客揮椽筆
時著班衣奉板輿領會能忘一樽酒窮通擬付十年書

仍聞布穀催春事一雨朝來溜決渠

賀二石登科

捷音西下亟蜚星二雋辭鋒舊莫京
桂樹前宵減清影棣華同日擅香名
謝家蘭玉真門戶蘇氏文章亦弟兄
此去提衡霄漢上鵬搏鯢運更論程

次韻何符山人二首

久雨而晴
故有後章

門下軒裳不轉頭何人皮底著陽秋
獨煩客子衝泥屐屢到衰翁聽雨樓
從昔詩聲追正始即今賓友驗宣州

清篇快讀彊人意未覺京塵厭薄游

曉看明璣下網絲物華俱屬喜晴詩一詞不措重呈拙
七字鼎來當更奇喜鵲啁人真作意蝸牛屏迹似知時
湖山好處長謠去擬赴蘇堤勝日期

同高叔不愚如晦飲再次韻二首

詩老掀髯吟掉頭紅粧間坐眼波秋快傾良夕如澠酒
宛是當時鎖燕樓

樓乃舊名倡居

想有疎簾窺白下可無急鼓

哀伊州憑君更挽劉師命寬破三年爛熳游

珠簾深裏按金絲
幻出揚州杜牧詩
共引玻璃扶窈窕
更煩側理寫瓌奇
一懽有約能如願
四者求并每後時
却念少陵從鄭老
得錢沽酒話襟期

題潘德久竹居

竹裏幽棲不掩關
解將應俗等居山
風流彭澤羲黃上
詩力蘇州季孟間
官縛猶存紫公服
客來肯靳玉條環
雪兒小直珠千斛
可但疎簾見一斑

次韻張直閣避暑

紅榴照眼笋穿堦峭閣登臨快此來
淨境祛煩仍客共
醉鄉消暑更書催
庭陰碎喜風頭動
虹影明看雨脚回
萬事屏除詩債迫
此心抖擻未容灰

次前韻謝胡運屬二首

耐暑初宵露白頭
詩來分我一襟秋
露飛瓊滴溥蒼竹
月漾金波冰小樓
政用桐君絃白雪
便煩從事到青州
此懷未滿須牋與
更為狂生賦遠游

爐煙裊裊上晴絲
伴閱長須送似詩
眼着昏花子已老

句鏘哀玉子能奇隨人趨步庸非俗取意粧梳自入時
大手只宜臺閣裏不應猶話鹿門期

早步湖上

忽忽京塵漬客衣正須軒曠一伸眉獨行初日葱蘢處
不待游人雜遝時魚樂暗搖亭樹影風輕閑弄水雲姿
因循又耐簫歌聒早晚湖山細入詩

次韻章守移學

千柱崇成儼舊規小勞移築未為非諸儒受業三熏沐

賢守收功一指揮
歲事此時爭拭目
決科它日看增輝
問玄亦復侯芭事
可但經生識指歸

次趙解元韻

養病年來嬾著書
逢人掉臂晚迂儒
愁邊好客從天下
譚處清風起座隅
愧我多言終不近
似君知己未應無
酸鹹嗜好雖殊稟
政恐渠儂謂太愚

再次韻

興劉止用一編書
萬軸垂籤或腐儒
表表君今超北學

多多我已悔東隅聲華看續諸公後爾雅深知一筆無
縮袖間真老矣灌園蓄犗了朱愚

再次韻呈章守

吾儒交賀得宗師片善盱衡置百非小駐鋒車宣室召
時觀譚麈類宮揮詩壇已許分餘論鄰燭何曾靳寸輝
此意急須戔阿袞不因魚稻久忘歸

次韻章守獵

身著邦君小隊中縱觀虎將萬旗紅目光注射鷹窺草

電影騰凌馬弄風忽有清詩驚破竹更憐蜚翼墮杼弓
南歸又苦車中婦夢憶分鮮一醉同

飲殖軒

病骨今朝覺倍輕雲天昨夜已全晴爛遊花木欣榮處
賸喜風煙指顧生春草池塘頻入夢夜窻燈火會尋盟
悵然又與禽魚別波影沈隄晚照明

趙使君淮春樓落成二首

五鳳規模到眼中摘星奇觀欲爭雄客乘雲氣遊三島

人聽歌聲指半空便擬瑤盃酌銀漢何妨醉面受天風
胡床不盡登臨興未覺邦君後庾公

步帳高牙置下方華筵雲影入風裳西山爽氣珠簾外
北海芳罇錦瑟傍賓主前聞無勝事簪鈿明日賸餘香
一天和氣誰拘檢付與邦人作醉鄉

贈趙秀才一首

平生心事釣漁舟邂逅青衫映白頭肯為功名戲雕虎
不留顏面對沙鷗露溥青葢高荷曉風約黃陂小麥秋

入眼斜川歸趣好此身何處不荒裘

寄興化葉明府進卿二首

輿學居瞻數仞堂業文自笑及肩牆平時江月二分影
勝日篝燈約對床身世我方憐枘鑿風期君肯遽參商
相忘兩舍雖匏繫當有詩筒訪士鄉

一昨連薨較詐狙鋸筭合闢未良圖君來頻笑民之法
政絕鋒鏑古與徒俗變身如游建德時清人不畏萑苻
自公日有詩書樂大府仍無急急符

贈曹秀才二首

生杭人方
免解赴省

不復林逋起九京空留詩卷逼人清如君况自鬼神助
擲地應聞金玉聲敗履人今笑東郭奔蜂我亦愧南榮
三千奏牘真餘事側耳齊廷待一鳴

抖擻宵襟一不優迂臨惟子肯綢繆訪書笠澤心摧落
苟祿吳門路阻脩老去欲追三徑約客來當辦一錢留
它年水北山南計更挈詩瓢就我不

次林計議喜雪韻

雪縞長空紵帶翻數知冬意未闌殘歲功告瑞須三白
客子憑高耐一寒拍塞閑郊瑤圃闊晶熒危堞玉龍蟠
歸來凍坐追清賞重把君詩剪燭看

次韻朱秀才二首

蕭齋愁興倩誰寬籠鶴昂霄顧羽翰自昔詩深知武諤
肯辭雨濕過蘇端心期落落空軒豁世事悠悠拙控搏
正枕誦君悲壯語夢隨飛將躡鞢汗

儒冠林立更鴻生經倚菑畲道可耕便合摘髭書桂籍

未須擁鼻避時名似聞珍夢成三耳會見驚人取一鳴
講易露門誰第一佇君重席振家聲

次韻石湖居士見梅

東風猶是玉為塵靜女冰肌小帶皴尚壓芳華擅春事
枉當窮臘議花神仙姿絕俗遺羣妬鼎寶收功看一新
疎影暗香吾袖手且容詩伯繼黃陳

虎邱

長日蕭齋類蠹魚出門春事半銷除快舒中散飛鴻眼

穩憩文公臥虎廬
塵外風光詩筆底
竹梢禪榻茗甌餘
歸塗定有行人問
底許空青潤客裾

江湖長翁集卷十二